



01
540

fellemvi

Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption Office

Broj: 01-04-57021-153/25 O.Dž.
Sarajevo, 09.02.2026.godine

Federacija Bosne i Hercegovine
SKUPŠTINA KANTONA SARAJEVO
Ul. Reisa Džemaludina Čauševića br. 1
71 000 Sarajevo

PREDMET: Obavijest, dostavlja se

Veza: Zastupnička inicijativa broj: 01-04-57021-44/25 od 26.01.2025.godine

Poštovani,

Ured za borbu protiv korupcije Kantona Sarajevo (u daljem tekstu: Ured), shodno Uredbi o osnivanju Ureda za borbu protiv korupcije Kantona Sarajevo („Službene novine Kantona Sarajevo“ broj: 07/24) i Zakonu o prevenciji i suzbijanju korupcije u Kantonu Sarajevo („Službene novine Kantona Sarajevo“ broj: 35/22, 44/22 i 52/22) nadležan je, između ostalog, za preduzimanje aktivnosti na prevenciji korupcije, prikupljanju podataka i informisanju nadležnih o uočenim radnjama koje mogu imati koruptivne elemente, kao i za kontrolu javnih nabavki koje provode ugovorni organi čiji je osnivač Kanton Sarajevo.

Ured je dana 29.01.2026.godine zaprimio Vaš akt, broj i datum veze, označen kao zastupnička inicijativa, a koja je upućena Uredu, radi uspostavljanja obaveze javne objave svih ugovora i aneksa ugovora koje zaključuju kantonalne institucije. Dostavljenom inicijativom se predlaže da se propiše obaveza da se svi ugovori i aneksi ugovora, koje zaključuju ministarstva Kantona Sarajevo, Vlada Kantona Sarajevo, Ured Premijera KS, kao i javna preduzeća i javne ustanove čiji je osnivač Kanton Sarajevo, budu javno objavljeni u roku od 30 dana od dana nastanka ugovorene obaveze, na način detaljnije opisan u prednje citiranoj inicijativi.

Obzirom da je za oblast javnih nabavki uspostavljen osnov za unos podataka o javnim nabavkama **Odlukom o registru podataka o javnim nabavkama koje provode institucije čiji je osnivač Kanton Sarajevo** („Službene novine Kantona Sarajevo“ broj: 6/22 i 34/22), to je Ured svim institucijama čiji je osnivač Kanton Sarajevo uputio akt broj: 20-04-3417-0/26 od 03.02.2026.godine, u kojim je navedeno: „*Odlukom o registru podataka o javnim nabavkama koje provode institucije čiji je osnivač Kanton Sarajevo („Službene novine Kantona Sarajevo“ broj: 6/22 i 34/22) propisuje se način vođenja Registra podataka o javnim nabavkama koje provode institucije čiji je osnivač Kanton Sarajevo. Shodno članu 8. stav 1. ove Odluke, Ured uspostavlja i vodi Registar. Podaci o*

provedenim postupcima javnih nabavki dostupni su putem jedinstvenog informacionog sistema, kojim upravlja Ured.

S tim u vezi, sve institucije čiji je osnivač Kanton Sarajevo podsjećamo na obavezu unosa podataka o javnim nabavkama, shodno članu 7. prednje navedene Odluke, obzirom da je primjetno da veći broj institucija postupa suprotno važećem propisu (što obuhvata ugovore i anekse ugovora).

U pravcu poštivanja materijalnih propisa, obaveza institucija čiji je osnivač Kanton Sarajevo, te jačanju transparentnosti, Ured će intenzivirati aktivnosti na praćenju ažurnosti unosa, uz napomenu da neprimjenjivanje i/ili nepoštivanje odredbi naprijed citirane Odluke predstavlja osnov za razrješenje odgovornog lica, koju pokreće organ nadležan za njegovo razrješenje“.

U smislu navedenog, također želimo naglasiti da se na službenoj stranici Ureda mogu vidjeti svi javno dostupni Registri koje vodi Ured: <https://anticorruptiks.com/>, te pozivamo na jačanje transparentnosti institucija čiji je osnivač Kanton Sarajevo, blagovremenim unosom podataka u iste, jer smatramo da transparentnim radom jačamo Kanton Sarajevo i vraćamo povjerenje građana u rad institucija Kantona Sarajevo.

S poštovanjem,

Dostaviti:

1. Naslovu
2. A/a



ŠEF UREDA

